

Embargo: Hanya boleh diterbitkan atau disebarkan mulai jam 1200, Jumaat, 11 Julai 2025



KENYATAAN MEDIA

KEMENTERIAN EKONOMI
JABATAN PERANGKAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

INDEKS PENGELUARAN PERINDUSTRIAN MALAYSIA MEI 2025

Indeks Pengeluaran Perindustrian meningkat 0.3 peratus pada Mei 2025, disokong oleh pertumbuhan output yang stabil sebanyak 2.8 peratus dalam sektor Pembuatan

PUTRAJAYA, 11 JULAI 2025 – Indeks Pengeluaran Perindustrian meningkat 0.3 peratus tahun ke tahun pada Mei 2025, disokong oleh pertumbuhan output yang stabil sebanyak 2.8 peratus dalam sektor Pembuatan. Jabatan Perangkaan Malaysia (DOSM) melaporkan dalam keluaran **Indeks Pengeluaran Perindustrian (IPP), Malaysia, Mei 2025** pada hari ini. Penerbitan ini memaparkan statistik IPP yang terdiri daripada tiga sektor iaitu Perlombongan, Pembuatan dan Elektrik.

Mengulas laporan tersebut, Dato' Sri Dr. Mohd Uzir Mahidin, Ketua Perangkawan Malaysia berkata, "Indeks Pengeluaran Perindustrian kekal mencatatkan pertumbuhan positif walaupun pada kadar yang lebih perlahan iaitu 0.3 peratus pada Mei 2025 berbanding 2.7 peratus pada bulan sebelumnya. Penyederhanaan ini disebabkan terutamanya oleh pertumbuhan output yang lebih perlahan dalam sektor Pembuatan yang bertumbuh 2.8 (April 2025: 5.6%), manakala sektor Elektrik memulih kepada 0.4 peratus (April 2025: -1.7%). Walau bagaimanapun, sektor Perlombongan merosot lebih ketara sebanyak 10.2 (April 2025: -6.3%). Perbandingan dengan bulan sebelumnya, IPP kembali mencatatkan

pertumbuhan positif 1.1 peratus, berbanding negatif 8.0 peratus yang direkodkan pada bulan sebelumnya.”

Ketua Perangkawan mengulas lanjut, “Pada Mei 2025, industri berorientasikan eksport mencatatkan pertumbuhan yang lebih perlahan kepada 2.9 peratus selepas mencatatkan peningkatan 6.4 peratus pada bulan sebelumnya. Pertumbuhan sederhana ini terutamanya disebabkan oleh kemerosotan 4.8 peratus dalam Pembuatan kok & produk petroleum bertapis. Ini adalah selari dengan prestasi eksport barangan negara yang mencatatkan penurunan iaitu 5.0 peratus pada Mei 2025 selepas mengalami pertumbuhan positif pada bulan sebelumnya. Sebaliknya, Pembuatan minyak dan lemak sayuran & haiwan mencatatkan pertumbuhan dua digit sebanyak 15.9 peratus pada Mei 2025. Selain itu, pertumbuhan sektor Pembuatan turut disokong oleh Pembuatan komputer, produk elektronik & optikal serta Pembuatan jentera & peralatan t.t.t.l. masing-masing yang mencatatkan pertumbuhan sebanyak 6.0 peratus dan 5.7 peratus. Perbandingan bulan ke bulan, industri berorientasikan eksport meningkat 5.3 peratus daripada negatif 10.2 peratus pada April 2025.”

Sementara itu, industri berorientasikan domestik meningkat sederhana sebanyak 2.6 peratus berbanding peningkatan 3.9 peratus yang direkodkan pada April 2025. Pertumbuhan lebih perlahan ini disebabkan oleh penyusutan 10.1 peratus dalam Pembuatan kenderaan bermotor, treler & semi treler. Sebaliknya, terdapat peningkatan dalam pengeluaran Pembuatan produk prosesan makanan sebanyak 10.3 peratus. Tambahan pula, pembuatan pengeluaran berkaitan aktiviti pembinaan iaitu Pembuatan produk logam yang direka, kecuali mesin & kelengkapan meningkat 3.7 peratus pada Mei 2025. Berbanding bulan April 2025, industri berorientasikan domestik meningkat 1.0 peratus berbanding 0.3 peratus yang dicatatkan pada bulan sebelumnya.”

Dato' Sri Dr. Mohd Uzir Mahidin menambah, “Pertumbuhan output sektor Perlombongan merosot 10.2 peratus pada Mei 2025 (April 2025: -6.3%) kesan daripada penurunan berterusan dalam pengeluaran Gas Asli dan Minyak Mentah & Kondensat masing-masing merekodkan negatif 16.6 peratus dan negatif 1.6 peratus. Berbanding April 2025, indeks Perlombongan menyusut 12.8 peratus selepas mengalami pertumbuhan negatif 13.9 peratus pada bulan sebelumnya. Sementara itu, penjanaan Elektrik meningkat 0.4 peratus tahun ke tahun pada Mei 2025 (April 2025: -1.7%). Perbandingan bulan ke bulan, indeks Elektrik memulih kepada 7.9 peratus (April 2025: -3.2%).”

Melihat kepada prestasi beberapa negara lain, IPP bertumbuh sederhana termasuk China (5.8%), Amerika Syarikat (0.6%), Singapura (3.9%), Korea Selatan (0.2%), Taiwan (22.6%), Vietnam (11.0%), dan Thailand (1.9%). Sebaliknya, Jepun mengalami kemerosotan 1.8 peratus bagi IPP pada Mei 2025.

Merumuskan kenyataannya mengenai prestasi IPP bagi lima bulan pertama tahun 2025, Ketua Perangkawan berkata, “IPP bertumbuh pada kadar lebih sederhana iaitu 2.0 peratus berbanding tempoh yang sama tahun sebelumnya (Januari - Mei 2024: 3.4%) dipengaruhi oleh indeks Perlombongan (-5.1%); dan indeks Elektrik (-1.3%). Sebaliknya, indeks Pembuatan mencatatkan peningkatan 4.1 peratus.”


Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.

Malaysia buat julung kalinya telah berjaya menduduki kedudukan teratas di peringkat global dalam laporan dwi-tahunan Open Data Inventory (ODIN) 2024/25 yang dikeluarkan oleh Open Data Watch (ODW), mengatasi 198 negara lain. Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.


Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu, Hari Statistik Dunia Keempat akan disambut pada 20 Oktober 2025 dengan tema '*Driving Change with Quality Statistics and Data for Everyone*'.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Carta 1: Indeks Pengeluaran Perindustrian, Malaysia,
Mei 2024 - Mei 2025




Carta 2: Indeks Pengeluaran Perindustrian dan Komponennya, Malaysia
Mei 2024 - Mei 2025




**Carta 3: Pertumbuhan Indeks Pembuatan Mengikut Subsektor, Malaysia
April 2025 dan Mei 2025**




Carta 4: Indeks Pembuatan Mengikut Industri Berorientasikan Eksport dan Domestik, Malaysia, Mei 2024 - Mei 2025



Carta 5: Pembuatan Berorientasikan Eksport Mengikut Kumpulan, Malaysia, April 2025 dan Mei 2025



Carta 6: Pembuatan Berorientasikan Domestik Mengikut Kumpulan, Malaysia, April 2025 dan Mei 2025



Dikeluarkan oleh:

PEJABAT KETUA PERANGKAWAN MALAYSIA
JABATAN PERANGKAAAN MALAYSIA
11 JULAI 2025